

XII Cardinales

Marinus Grimanus, tituli Sancti Vitalis, praesbiter cardinalis Aquilaeiensis,
 Benedictus de Accoltis, tituli Sancti Eusebii, praesbiter cardinalis Ravennatensis,
 Augustinus Spinola, tituli Sancti Ciriaci, praesbiter cardinalis Perusinus,
 Antonius de Prato, tituli Sanctae Anastasiae, praesbiter cardinalis Senonensis cam., Franciae,
 Antonius de Sancto Severino, tituli Sancti Joannis ante Portam Latinam, praesbiter cardinalis,
 Vicentius Carapha, tituli Sanctae Potentianae, praesbiter cardinalis Neapolitanus,
 Henricus de Cardona, tituli Sancti Marcelli, praesbiter cardinalis Montis Realis,
 Andreas Palmerius, tituli Sancti Clementis, praesbiter cardinalis Materanus,
 Nicolaus de Gaddis, diaconus cardinalis Firmianus,
 Hercules de Gonzaga, tituli Sanctae Mariae Novae, diaconus cardinalis Mantuanus,
 Hieronymus de Grimaldis, tituli Sancti Georgii, diaconus cardinalis Genuensis,
 Pirrhus de Gonzaga, tituli Sanctae Agatae, diaconus cardinalis Mantuanus.

382^b) Da poi disnar, come ho ditto, fo Pregadi et ordinà Conseo di X con la Zonta.

Da Ascoli, del procurator Pexaro, di 7. Come, di ordine di Lutrech, partito di fermo, dove lassò sua signoria, era venuto li perchè le zente non facesseno danno al paese, et che havia hauto lettere da lo episcopo di Motulà nontio del Papa, come do terre del reame si era rese *videlicet* Terri et Campi, lochi grassi; et che andavano a Civitella. Et de inimici alcuna preparation si sentiva, salvo che in l'Aquila erano 1000 fanti et 300 cavalizieri. Scrive Lutrech a di 8 passaria la Trasona per venir li ad Ascoli et

Da Fiorenza, di sier Antonio Suriun dottor, cavalier, orator, di 7. Zerca li 2000 ducati per l'armata, et la provision fata di mandarli al Proveditor di l'armada. Nè altra cosa da conto.

Fo ballotà, iusta la leze, sier Polo Justinian qu. sier Piero, venuto Soracomito, haver ben servido. Ave: 142, 4.

(1) La carta 381^a è bianca.

Item, sier Hironimo Contarini qu. sier Alvise vicesoracomito su la galla fo di sier Francesco Griti et rimase: 143, 8; el qual è fuora; et poco da poi vene la nova esser morto.

Fu posto, per li Savii del Conseo *excepto* sier Lunardo Emo, et Savii di terraferma, in la qual intrò sier Filippo Capello *excepto* el Moro, la soa parte de metter una tansa al Monte del subsidio, a pagarla per tutto el mexe con don 10 per 100.

Et sier Lunardo Emo et sier Gabriel Moro el cavalier meseno la soa di una et meza tansa. La copia sarà qui avanti.

Et sier Zuan Francesco Miani Cao di XL messe voler sia posto una tansa et meza, *videlicet* al contrario di l'Emo, zoè una a pagar in contadi et meza a seontar con la tansa a restituir, con il don *ut supra, ut in parte*.

Et primo andò in renga sier Hironimo da chà da Pexaro è al luogo di Procurator, qual più non ha parlato, dicendo voria una zonta che molti non è tansadi nè è stà assolti che è richi, et questi voria pagasseno una decima per la mercadantia i fanno; dicendo è stà Proveditor sora i daci et ha doanà uno . . . di doana et che l'era andà ai Governadori et non era tansà; et di questi nè sòn molti, tra li qual uno Francesco Corbole fiorentin, et uno Adeo il Conseo se la rise et li dete rumor; si ché fo biasemà molto la sua renga et la opinion.

Da poi parlò sier Zuan Francesco Miani Cao di XL per la sua opinion, dicendo il bisogno si ha del danaro, et che l' sa di far dispiacer a molti, ma *omne agens agit propter finem*; et questa soa deva più danari, con altre parole. Non li fu risposo.

Andò le parte, et in quella di l'Emo sier Marin da Molin et sier Alvise Mocenigo el cavalier Consieri introho. Andò le parte: 3 non sincere, 3 di no, 26 del Miani Cao di XL, 49 di Savii, 110 di do consieri Emo et Moro; et fu presa.

Fu poi posto, per sier Alvise Mozenigo el cavalier consier, sier Zuan Mario Bembo et sier Carlo Capello Cai di XL, sier Lunardo Emo, savio del Conseo, sier Gabriel Moro el cavalier, sier Filippo Capello. Savii a terraferma, una parte che tutti chi pol metter parte vengano al Conseo per tutto il presente mexe con le sue opinion zerca conzar la terra. Fu presa. La copia sarà qui avanti scritta.

1527. Die 13 Februarii. In Rogatis.

Ser Marinus de Molino,
 Ser Aloysius Mocenicus, eques,
 Consiliarii.